

## HERNANIKO UDALA 2020-2022 DIRU LAGUNTZEN PLAN ESTRATEGIKOA

### ATARIKOA

Diru-laguntzei buruzko 38/2003 Lege Orokorrak diru-laguntzen bidezko gastu publikoaren kudeaketa eraginkortasuna eta efizientzia hobetzeko tresna eta kudeaketa-elementu gisa ezartzen du Administrazio Publiko bakoitzean Diru-laguntzen Plan Estrategikoa prestatu behar dela, aukera emango duena lortu beharreko helburuak eta aurreikusitako kostuekin eta horiek finantzatuta lortu nahi diren ondorioak zehazteko, xedetzat hartuta diru-laguntzen bidez estali beharreko behar publikoak erabilgarri dauden baliabideetara egokitzea, eta hori guztia diru-laguntza eman aurretik.

Gainera, Legeak jarraipen-sistema bat planteatzen du, helburuak kontrolatuz eta ebaluatuz. Horrek aukera eman behar du nahi diren helburuen lortze-mailara iristen ez diren edo inbertitutako baliabide-mailara egokitzen ez diren diru-laguntza lerroak aldatu, beste eraginkor edo efizienteago batzuekin ordeztu, edo, hala behar bada, bertan behera utzi daitezkeen.

Administrazio ikuspegitik, diru-laguntzak teknika bat dira interes orokorreko hartzen diren jokabide jakin batzuk sustatzeko. Era berean, Administrazio publikoaren eta partikularren arteko lankidetzaren prozedura bat ere badira interes publikoko jarduerak kudeatzeko. Izaera desberdineko diru-laguntza askotarikoak daude, prozedura konplexu baten bidez ematen direnak, eta, beraz, eraginkortasunez jarraitu eta kontrolatu beharra dago.

Horrela, bada, Plana beharrezko osagarria da diru-laguntzak ematea artikulatzeko, betiere gardentasunaren eta aurrekontu-orekaren printzipioetan oinarrituz.

Plan hau hainbat urtetarako izateko bokazioz egin da, beti ere urtero beharrezko izan daitezkeen aldaketak egin beharko bazaizkio ere.

Horregatik, Udal honek Diru Laguntzen Plan Estrategikoa onartu du. Planak ondorengo artikulua ditu:

#### I.KAPITULUA.

#### XEDAPEN OROKORRAK

##### 1. artikulua.

Hernaniko Udalak eta bere menpeko erakundeek emango dituzten diru laguntzak, Hernaniko Udalean indarrean dagoen diru-laguntzak emateko Araudiaren, Diru Laguntzen Lege Orokorraren, Plan honen, dagozkion hitzarmenen eta diru laguntzak emateko urtero egingo diren deialdien oinarrien arabera emango ditu.

##### 2. artikulua.

Plan honetan aurreikusitako diru laguntzak eraginkorrak izateko, dagozkion kontsignazioak sartu beharko dira urte bakoitzeko udal aurrekontuetan eta diru laguntzak arautzeko oinarriak onartu.

Diru laguntzak aurrekontuetan jaso eta emateko baldintza izango da aurrekontu egonkortasun helburuak betetzea, eta beraz, onartuko diren aurrekontu kontsignazioak eta diru laguntzak arautzen dituzten oinarriak uneoro helburu horietara egokitu beharko dira.

##### 3. artikulua.

Diru laguntza Plan Estrategiko hau onartzeak ez du inolako eskubiderik sortzen onuradun izan daitezkeen haintzat, eta ezingo dute inolako kalte ordainik edo konpentsaziorik eskatu Plana ez bada bere horretan betetzen.

##### 4. artikulua.

Udalak, deialdi publiko bidez edo lankidetzaren hitzarmenak eginaz, diru laguntzak emango dizkie pertsonari, elkartei edo erakunde pribatuei herri onurako edo gizartearen intereseko jarduerak egiteko edo udal eskumeneko helburu publikoak lortzeko.

##### 5. artikulua.

Plan honen printzipio orokorrak honako hauek dira:

- Publizitatea eta lehiakortasun askea aurrez egindako deialdi bidez. Bertan, objektibitatea, gardentasuna, publikitatea, lehiakortasuna eta fondo publikoen banaketan berdintasuna bermatu beharko dira, hori guztiari, emakida zuzenaren kaltetan gabe. Emakida zuzenak, aplikatu dakiokeen arauan ezarritakoaren arabera, aurrez dagozkion aurrekontu kontsignazioa izan beharko du.
- Aurrez deialdian ezarritako irizpide objektiboen arabera egingo da emakida, onuradun izan daitezkeenak irizpide horiek aurrez ezagutzen dituztela bermatzeko.
- Eraginkortasuna jarritako helburuak betetzerakoan eta efizientzia baliabide publikoak esleitzerakoan, kantitate eta kalitate aldetik justifikatu beharko delarik.

- Diru laguntza eskatzen duten erakundeen helburuak diruz lagundutako jardueretan berdintasunaren eta diskriminaziorik ezaren printzipioetara egokitzen direla kontrolatzea eta aztertzea.
- Plan Estrategikoaren egokitasuna uneoro egiaztatzea. Hau da: Plana termino sozialetan justifikatzea. Planak kontuan hartzen dituen herritarren beharrak. Finantza gaitasuna. Arlo horretako udal eskumena azaltzea.

## 6. artikulua.

Diru laguntzak emateko eskuduntza, eta beraz, Diru Laguntzen Plan Estrategikoa exekutatzekoa, indarrean dagoen eskuduntza udal araubidearen arabera izango da. Beraz:

- Diru laguntza programak aurrekontu zuzkidura egokia eta behar bestekoa egotearen menpe daude.
- Diru laguntzak edo emakida zuzenak (hitzarmenak) eman aurretik gastua onartu beharko da Hernaniko Udaleko aurrekontu arauetan aurreikusitako moduan.
- Eta, azkenik, diru laguntzak eman aurretik, emakida arautzen dituzten arauak edo oinarriak onartu beharko dira.

## II.KAPITULUA.

### PLANAREN EDUKIA

#### 7. artikulua.

Hernaniko Udalak eta bere menpeko erakundeek diru-laguntzak emango dituzte urtero, ondoko lerro estrategiko eta helburu zehatzen baitan:

#### LERRO ESTRATEGIKOA 1. GIZARTE EKINTZA

Helburu estrategikoa:

- Hernaniarren bizi kalitate eta gizarte ongizate mailak igotzea.
- Genero berdintasuna, emakume eta gizonen arteko parekidetasuna lortzeko norabidean urratsak ematea.
- Kultur-artekotasuna sustatu, herrian bizi den orok, edonon jaioa dela ere, eskubide berberak izan ditzan.
- Herri txiroenen garapenean laguntzea herritarren sentiberatasuna handi-tzeko ekimenak sustatuz eta bizi baldintzak hobetzen laguntzea elkartasunerako eta toki garapenerako proiektuetarako diru laguntzak emanez.
- Hirugarren adineko pertsonen arreta duina bermatzea egoitza.

Ekimen zehatzak:

- Gizarte zerbitzuetako baliabideei eta horiek eskuratzeko bideei buruzko informazioa ematea.
- Gizarte kalte-beratasun egoeran dauden kasuei oinarriko beharrak, behar zehatz eta ezohikoak, norbanakoak eta familiakoak estaltzea.
- Zailtasun edota gizarte arrisku egoera txikitzeko edo desagertzeko lan egitea. Arazoak edo zailtasunak agertzea ekiditea, arrisku faktoreak antzemanda modu prebentiboan esku hartuz.
- Irabazi asmorik gabeko gizarte ekimena, erakundeekin jardura koordinatua indartzea eta gizarte parte hartze aktiboa sustatzea.
- Jubilatuen elkarteak eta emakumeen elkarteak jarduerak egitea sustatzea eta egoitzarako erabiltzen dituzten lokalak mantentzen laguntzea.
- Etxebizitzaren alokairua bultzatu, herritarrei oro har, eta gazteei bereziki etxebizitza alokatzen lagunduz.
- GKEei laguntzea beraien ekimen eta lankidetzara proiektuetan herri pobrezako eta garapen bidean dauden herrirentzako ekarpen gisa.
- Giza eskubideak eta bizikidetzara sustatu.
- Mikrokredituen programa, gizarte mailako beharrezko larriari erantzuteko.

Exekuzio epea: Urterokoa.

Finantzazio iturriak: Udalaren funts propioak, urteroko aurrekontuaren kontura.

#### LERRO ESTRATEGIKOA 2. HEZKUNTZA SUSTATZEA

Helburu estrategikoa:

- Herrian hezkuntza berrikuntza sustatzea eta kultur eskaintza hobetzea herritarrei, orokorrean, zuzendutako hezkuntza, kultura, berdintasuna, ingurumen dibertsitatea eta inklusibitatea bultzatzeko jardura eta proiektuen bidez.

Ekimen zehatzak:

- Hezkuntza arautuaren eremuan Hernanin ari diren irabazi asmorik gabeko ikastetxeen jarduerak eta proiektuak finantzatzeko diru laguntzak ematea.

Exekuzio epea: Urterokoa.

Finantzazio iturriak: Udalaren funts propioak, urteroko aurrekontuaren kontura.

## LERRO ESTRATEGIKOA 3. KULTUR DINAMIZAZIOA

Helburu estrategikoa:

- Herriko kultur egiturari laguntza eman, zabaldu eta sustatu, parte hartzen duten eragileen profesionaltasuna bultzatuz eta kultur sorkuntzari laguntzeko ereduak finkatuz.

Ekimen zehatzak:

- Herriko kultur egiturari laguntza eman, zabaldu eta sustatu, kultur sorkuntzari laguntzeko ereduak finkatuz.
- Herritarrei oro har zuzendutako ondorengo diziplinetako sorkuntzara, ekoizpenera eta kultur hedapenera bideratutako programa eta jarduerak babestea, zabaltea eta sustatzea: musika, dantza, antzerkia, folklorea, arte plastikoak, ikus-entzunezkoak, argitalpenak eta abar.
- Gazteen parte hartzea lagundu, zabaldu eta sustatzea gazteentzako jarduerak antolatuz.
- Euskal historiaren eta kulturaren balore propioak transmititzeko programak edota jarduerak lagundu, zabaldu eta sustatzea.
- Irabazi asmorik gabeko elkarten jarduera laguntzea, interes orokorreko jarduerak diren neurrian.

Exekuzio epea: Urterokoa.

Finantzazio iturriak: Udalaren funts propioak, urteroko aurrekontuaren kontura.

## LERRO ESTRATEGIKOA 4. EUSKARA SUSTATU

Helburu estrategikoa:

- Euskararen ezagutza eta erabilera sustatzea eta normalizatzea.

Helburu zehatzak:

- Adin nagusikoei euskara ikasteko erraztasunak eskaintzea.
- Merkataritzan eta enpresetan euskararen erabilera sustatzea.
- Gazteak aktibatzea eta motibatzea hainbat arlotan euskara erabiltzeko.
- Tokiko euskarazko komunikabideen bideragarritasuna bermatu.
- Euskararen erabilera normalizatzeko udal jarduera zehatzetan laguntzea.

Exekuzio epea: Urterokoa.

Finantzazio iturriak: Udalaren funts propioak, urteroko aurrekontuaren kontura.

## LERRO ESTRATEGIKOA 5. KIROLAREN SUSTAPENA

Helburu estrategikoa:

- Herritar guztiei beraien kirol jarduera eskaera asetzeko aukera ematea eta bizi kalitatea hobetzeko jarduera osasungarriak sustatzea kirol erakunde, elkarte eta federazioekin elkarlanean arituz.

Ekimen zehatzak:

- Ahalik eta jende gehienak kirola egitea sustatzea ohitura osasungarri eta gomendagarri bezala.
- Elkartegintza sustatzea kirol antolaketa eta kirola egitearen ondorioak optimizatzeko modu bezala.
- Herriko kirol elkarteekin elkarlanean aritzea jarduerak egiteko zein kirol instalazio sarea hobetzeko.
- Lagatako kirol instalazioen kalitatea hobetzea eta herritarrek horiek erabiltzea.
- Oinarrizko kirol federatua sustatzea kirol elkarteetan.
- Eskola-kirola jarduera sustatzea ikastetxeetan.
- Kirola kalean egitea sustatzea.

Exekuzio epea: Urterokoa.

Finantzazio iturriak: Udalaren funts propioak, urteroko aurrekontuaren kontura.

## LERRO ESTRATEGIKOA 6. SUSTAPEN EKONOMIKOA ETA SOZIALA

Helburu estrategikoa:

- Garapen ekonomiko jasagarria eta enpleguaren sustapenaren alde egitea.
- Herritar guzien bizi kalitatea eta ongizatea hobetzeko neurriak sustatzea.

Ekimen zehatzak:

- Enplegua sortu eta baliabideen jasagarri-tasuna bermatzen duten enpresa proiektuak hazten eta finkatzen laguntzea.
- Kalitatezko enpleguaren sorpena sustatzea.
- Ekintzailatza dinamizatzea herrian.
- Herriko etxebizitzaren egoera hobetzea, batik bat, irisgarritasun eta soinu kontaminazio egoerak hobetzeko.
- Auzoetako bizi baldintzak hobetzea.
- Gertuko merkataritza dinamizatzea eta sustatzea.
- Turismo sustapena, bidaia antolatzaile publiko eta pribatuekiko loturak indartuz eta eskaintzaren berrikuntza eta dinamismoa sustatuz.

Exekuzio epea: Urterokoa.

Finantzazio iturriak: Udalaren funts propioak, urteroko aurrekontuaren kontura.

### 8. artikulua.

Plan honek hiru Eranskin ditu, aurrekontuan aurreikusitako diru laguntza jarduerarekin bat etorritz.

I. Eranskinean Hernaniko Udalaren sailek emango dituzten diru-laguntzak jasotzen dira.

II. Eranskinean "Hernaniko Udaleko Zerbitzu Sozialak" erakunde autonomoaren diru-laguntza jardura jaso da.

III. Eranskinean Ereñotzuko Toki entitate txikiaren diru-laguntza jardura jaso da, Udalaren menpeko erakundea den heinean.

### 9. artikulua.

Aurrekontuan aurreikusitako diru laguntzak ondorengo irizpideen arabera zerrendatuta agertzen dira eranskin bakoitzean:

Aurrekontu partida.

Azalpena. Irizpide horrekin diru laguntza zein helburutarako erabiliko den zehazten da, gero helburu hori ebaluatu ahal izateko.

Zenbatekoa. Urteroko kontsignazioa.

Kudeaketa mota. Irizpide horrekin diru laguntza emateko aplikatu beharreko prozedura (lehiakortasun askea, lankidetzeta hitzarmena, programa).

Lerroa. Diru-laguntzari dagokion lerro estrategikoa.

Kudeaketa ardura duen Saila.

Helburuen betetze adierazleak.

## III.KAPITULUA.

### DIRUZ LAGUNDUTAKO PROGRAMEN ERAGINKORTASUN AZTERKETA. KONTROLA ETA EMAITZEN AZTERKETA

#### 10. artikulua.

Diru-laguntzen Plan Estrategikoaren kontrola eta segimendua urtero egingo da bi modutara:

1.- Emandako diru-laguntzen kontrol ekonomiko-finantzarioa, Udaleko Kontu-hartzailetzari dagokiona eta indarreko legerian jasotako baldintzetan egingo dena.

2.- Jarraipena eta ebaluazioa, ondoko aztergai hauekin:

- Eraginkorrak ez diren diru-laguntza lerroak aldatzea edo eguneratzea.
- Zenbatekoak eguneratu.
- Jarduketa lerro berriak sartu.

Planaren kontrola eta segimendua, diru-laguntza ematen duten sail bakoitzaren teknikari arduradunak egingo du urtero. Hurrengo ekitaldiko lehen lauhilekoan justifikazio-memoria bat egingo da, lorpen adierazleak zehaztu eta helburu espezifikoek betetze-mailari buruz, eta dagokion programa mantentzea edota kentzeari buruzko bidezketasunari buruz.

## 11. artikulua.

Gardentasuna. Lerro estrategiko bakoitzean emandako diru-laguntza guztiak urtero argitaratuko dira udal webgunean, bertan adieraziz laguntzak nork jaso dituen, zenbatekoa, eta diruz lagundutako ekintza.

## IV.KAPITULUA. FINANTZAKETA

## 12. artikulua.

Hernaniko Udalak eta bere menpeko erakundeek ematen dituzten diru-laguntzak Erakunde bakoitzaren Aurrekontuen IV eta VII kapituluak kontura izango dira. 2016 urterako, hasieran aurreikusitako zuzkidura ekonomikoa hau da:

Hernaniko Udala (1 eranskina): xxxxx €  
Zerbitzu Sozialak Patronatua (2 eranskina):xxxx €.  
Ereñotzu T.E. Txikia (3 eranskina): xxxx €.

## AZKEN XEDAPENA

Plan hau indarrean sartuko da behin betiko testua Gipuzkoako Aldizkari Ofizialean argitaratuta, Toki Erregimeneko Oinarrien Legeko 70.2 artikulua xedatzen duena aintzat hartuta, eta indarrean jarraituko du Udalaren udalbatzarrek aldatu edo derogatzea erabaki arte.